



Inatsisartut Suleriaasianni § 37 naapertorlugu apeqqutit tulliuttut Naalackersuisunut saqqummiuppakka.

Naalackersuisunut apeqqutit:

Apeqqut 1:

Allaffissornikkut qanoq kinguneqassavar ESU atorlugu attartuisarneq aalisartunut piniartunullu eqquteqqineqassappat/atuutilertinneqassappat?

Apeqqut 2

Qanoq aningaasatigut kinguneqassava ESU atorlugu aningaasanik attartortarneq aalisartunut piniartunullu eqquteqqinneqassappat/atuutilertinneqassappat?

(Inatsisartut Ilaasortaq, Jens NapätôK', Partii Naleraq)

Tungavilersuut:

ESU atorlugu taarsigassarsinissamut periarfissaqarunnaarnikuuvoq taamatullu aningaaseriviit aalisartunut piniartunullu aamma periarfissaq mattunniikuullugu. Taamaammat aalisartunut piniartunullu periarfissaarutiivinnikuuvoq taarsigassarsinissaq pitsanngorsaaniissamut angallatinullu taarsiinissamut, motoritaarnissamut ilaalu ilanngullugit, tamannalu tupinnaraluartumik taamaappoq, naak nunatsinni inuussutissarsiuutit pingaarnersarigaluaaraat tamannalu Naleqqamiit akuersaarneqarsinnaanngilluinnartutut isigaarput.

Ilumoorsinnaanngilluinnarpoq nunatsinni inuussutissarsiuutit pingaarnersaat aalisarneq piniarnerlu pitsanngorsaaffiginissaannut mattulluinnarneqarnerat

Taamatullu nassuerutigisariaqarluinnarpoq aalisariuterpasuit ullutsinni amerlasuut nutaanngililluinnarmata qanoq iliuuseqartoqarluni periarfissarsiortoqartanngimat taamaammallu pitsanngorsaanerit nutarterinissallu pisariaqarluinnalersimallutik.

Ullut qulit iluanni akineqarnissara kissaatigaara.